

'Sëedhε -yaaga -naa 'ö  
 Zan  
 -ya ɓɔ Gayusö -dhë bhë 'ö =nε

<sup>1</sup> 'Sëedhε =nε, ma 'a mε zii 'ka -Zlan -gɔ kɔɔ 'a- ɓɔ Gayusö, bhi 'ü n dheglu 'ka, 'ö 'ko -klu -sü 'ka 'kuë- Klito -bha 'wun gia- -bha bhë, ü -dhë. <sup>2</sup> N dheglu, a- 'piö kö 'ü 'dho 'dhiö pë 'plε 'gü, 'iin kö -potaasü -yö kë ü -gɔ =nε -kɔ 'ö ü =faan' 'dhö 'dho -na -a 'ka 'dhiö 'wun 'plε 'gü bhë -a 'dhö. <sup>3</sup> =Dhε 'ö n dheglu -nu -wo go ü 'piö 'ö 'wo 'wun gia- 'ö ü 'gü waa- ü 'ta -sü -kɔ 'ö 'wun gia- 'gü 'wo- -wun =blεε n -dhë, n =zuö' 'glu -yö -dhi giagiawo. <sup>4</sup> =Zuögludhi -wun 'ö dho kë =va -yaan zië 'wun 'ö -gban ma 'në -nu -bha 'ta 'sü -kɔ 'ö 'wun gia- 'gü -a -bha 'yaa -dhö.

'Wun 'ö -gban -nia -nu 'kun -kɔ -bha

<sup>5</sup> N dheglu, pë -nu 'ü- kë -na dhegluzë -nu -dhë bhë, -yö kpengdhö. -A -de pë -nu 'ü- kë -na -nia -nu -gɔ 'pö -wo kpengdhö. <sup>6</sup> 'Wun 'ö -gban ü -bha -dhɔ -bha bhë, -wa -wun -së -blεε -Zlan -bha 'në -nu -dho 'kuë- -sü ziën. -Bhö nu -an -dhë kö -wo 'dho wo -bha 'ta 'ka 'dhiö =nε -kɔ 'ö dho dhi -a 'ka -Zlan -dhë -a 'dhö. <sup>7</sup> Bhii 'dho 'wo- wo bhë, -wo -dho Klito 'tɔ -wun 'gü. Pë -kë 'ö pë -nu 'ö mε -nu 'ö 'waa Yesu -wun -dhε 'wun gia- 'ö 'wo- nu -an -dhë 'ö 'waa- 'kun 'ö bhë. <sup>8</sup> =Dhε -kë 'dhö kö mε -nu 'wo 'dhö bhë, kwa =dua' -mü 'kwa -an -nia -kun kö kwa -nu 'kwaan- kë 'wun gia- -yuökëmε -nu 'ka. <sup>9</sup> A 'sëedhε -ɓɔ -Zlan -bha mε -nu -dho 'kuë- -sü -dhë, 'kεε Diotrëfö 'ö- -dhɔ -kë -yö 'dhiö -sü 'ka pë 'plε 'gü bhë, 'sëedhε bhë, -ya -wun -zuö -kɔ =taa. <sup>10</sup> 'Kεε yi 'a dho nuë 'ma, pë -nu 'ö- kë -na bhë a -dho -a -wun =blεε'-; bhii =ya kë -yö yi -wun yaa -pεn. -Ya -kë 'dhö 'kεε 'yaa- -zo 'kun. -Yö -dho 'zü 'ö yö -de gia- 'ö

-ko dhegluzë -nu 'wo nu -na 'ma bhë -an -nia 'kun -sü 'ka; 'ö mε -nu 'ö 'wo- 'piö kö 'wo wo -zo kë dhegluzë -nu 'wo bhë -an 'piö bhë, 'ö dö -an -gɔ 'yënnng; 'ö- pö 'ö -an bho -Zlan -bha 'nä -nu kpö 'gü. <sup>11</sup> N dheglu, kö =kun 'ü to këpë yaa 'piö! -Bhö 'to 'wun -së kë -sü 'piö =zian! Bhii mε 'ö pë -së -kë -yö -Zlan -bha 'nä 'ka; 'ö mε 'ö pë yaa -kë 'ö yaa -Zlan dö. <sup>12</sup> =Ya 'go mü 'zü, mε 'plε -wo Demetriusö -wun -së -blεε. -A -de, -a këwun -nu -wa -zɔn =nε -yö 'wun gia -zian -ta. Yi -de 'pö, yi- -wun -së -blεε 'ö bhi gia- 'ü- dö =nε 'yië 'wun -nu =blεε' - kö 'wun gia- -mü.

*=Wekadhe -kaanta*

<sup>13</sup> 'Wun -yö n -gɔ =va 'aan- =blεε', 'kεε n 'ka 'dho -a 'plε kë 'sëedhε 'ka. <sup>14</sup> A- 'piö kö 'ko ko 'ko yö -dhekpαoyi =nε -a 'ka kö 'kuë- 'wun 'bhaa -nu yö 'ko 'dhiö. <sup>15</sup> Kö =zuöyagluu -yö kë ü -gɔ. Dhegluzë -nu 'wo 'nö =wa 'we ü 'ka! 'Ma 'we ü 'ka; dhegluzë -nu 'wo ü 'piö 'ma, 'ma 'we -an 'ka do do 'ka!

'WUN SĚ -NAŌ 'SĚĚDHĚ

Dan: 'WUN SĚ -NAŌ 'SĚĚDHĚ New Testament

copyright © 1991 Wycliffe Bible Translators, Inc.

Language: Dan

Dialect: Western

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 14 Jun 2022 from source files dated 1 Jun 2022

74f67de7-5f93-5988-92e9-b1a45247636e